

ԵԶԻՊԻ ՔՐԴԵՐ

I.

Հին ազգերի կրօնական և քաղաքական զօրեղ հոսանքներից հալածուած և ճնշուած մի բուռն ժողովուրդ, այսօր տակաւին շնչում է իւր խանձարուրի մէջ, տակաւին ձգտում է ապրել իր կղզիացած կեանքով, առանց ուրիշների հետ որ և իցէ շփումն և յարարերական կապեր ունենալու. առանց ենթարկուելու արտաքին աշխարհի լուսաւոր և քաղաքակիրթ պայմանների ազդեցութեան, այլ սոսկ իւր սկզբնական դրութեան մէջ խարխափում է լուռ ու մունջ. ապստամբ հրեշտակների, միշտ արթուն ոգիների անուշ մեղիդիների, մոգական երազների քաղցր տպաւորութեան տակ ննջում է, թողնելով պատմական անցեալի և լուսաւոր ներկայի մէջ տգիտութեան և խաւարամտութեան սոսկալի մի մեծ անջրպետ:

Այդ տարրը Եգիպտի քուրդն է: Քննել նրա կեանքը իւր ամբողջ կազմակերպութեամբ, իմաստասիրել նրա հոգեկան դրութիւնը, նրա պաշտամունքը, մտաւոր և բարոյակրթութեան աստիճանը, կառավարչական և տնտեսական վիճակը, մօտաւորապէս կ'հասնենք այն եզրակացութեան, որ Եգիպտին ներկայացնում է հեթանոսական դարերի բազմաստուածեան կրօնի մի պատկեր, որ իւր մոլար ծառայութիւններն ուրիշներից ծածկելու և գաղտնի պահելու համար միաստուածեան է անուանում իրեն:

Իւրաքանչիւր մարմին բնութեան մէջ, որ պարունակում է որ և է անսովոր երևոյթ, գերմարդկային ոյժ, որոնք կարօտում են բարձր գաղափարների և մտքերի կատարեալ բացատրութեան, այդ հանգամանքներից խոյս է տալիս Եգիպտին, խորին ակնածութեամբ իւր ծառայական պաշտօնն է մատուցանում դէպի նրանց, խոնարհութիւն և երկկեղածութիւն տիրում են նրա սրտի և հոգւոյ վերայ, որովհետեւ Եգիպտի անհատը նրանց մէջ նկատում է աներեւոյթ զօրութիւն, շարժուն ոգիներ և վերջապէս աստուածների կամք: Այդպիսի մօլար և թիւր կարծիքների մէջ է կետրոնացրել Եգիպտին իւր իդէալը, այդ սխալ գաղափարներն են, որոնք շարունակ առաջնորդում են նրան և կազմում են նրա խաւարամտութեան և զարգացման միակ յենարանը:

Նզիղի ժողովուրդը ոմանց կարծիքով հին Քաղդէացիք են¹⁾ կամ քրդական մի որոշ ցեղ, որը իւր կեանքի ամբողջ տևողութեան ընթացքում չէ արել ոչ մի քայլ մաքի և զարգացման շրջանադէպի դուրս գէպի յառաջադիմութիւն:

Նզիղիները, որոնք ի բնէ ինչպէս իրենց հարադատ ծննդավայր ամրացած և գրկած ունէին լայնատարած Միջագետքը և նրա բուսականութեամբ հարուստ սահմանները: Հնադարեան խառն փոթորիկները, և ոչ իսկ քրիստոնէական կրօնի խիստ քարոզութիւնները կարողացան գէթ մի թիթե ազդեցութիւն ունենալ նրա արաքիւն և ներքին կեանքի վերայ, ոչ մի ոյժ չ'խախտեց նրա զրուծիւնը, այլ ընդհակառակը, որչափ հալածանքն ու նեղութիւնը աւելանում էին նրանց դէմ, այնչափ աւելի հաստատուում էին հիմնաւորապէս իրենց անսխալ կամքի և ուղղութեան մէջ:

Աշխարհաւեր Լէնկթէմուրը իւր աշխարհակալութեան խիստ հոգով կործանեց Նզիղի ցեղի, Սրեւորդիւնների չորս գիւղերը. Շօլ, Շմըրշախ, Սաֆար և Մարաղայ, 2). բայց անվհեւ Նզիղը դարձեալ չ'յուսահատուեց իւր դառն և օրհասական զրուծեան մէջ, այլ աւելի ևս բազմանալով Միջագետքի Ամիթ քաղաքում, իրենց բնակութիւն հաստատեցին:

Աւանդութիւնը շատ անգամ պարզում է պատմութեան մութ կէտերը. Նզիղիների մասին տալաւին դոյութիւն ունեցող աւանդութիւնը հետեւեալն է պատմում: «Լէնկթէմուրի կոտորածից յետոյ, Միջագետքում ապրող Նզիղիների մի մասը գաղթեց իւր հայրենի ծնդավայրերից և հաստատութիւն գտաւ Արարատեան դաշտում և նրա բարձրութիւնների վերայ, Օսմանեան կառավարութիւնից ստացած յայտնի Ֆիրմանով:»

Քուրդ տարրը ամբողջապէս կազմուած է մի բանի աշիրաթներէից (ցեղերից), որոնք ունեն իրենց առանձին կոչումն ու էլադասին, (ցեղապետ) Զիւանցի, Սիպկանցի, Հայդարանցի, Զալալցի, Մամանցի, Զամալդանցի, Բարաղցի ևլն ևլն: Այդ աշիրաթներից բացառութիւն է կազմում Նզիղին, որ կոչւում է Հասընցի աշիրաթ:

Հեթանոսական դարերից մնացած մարդկային մի ծնունդ, բազմաստուածեան ժամանակների մի ժողովուրդ, որ իւր ամբողջ դոյութեան ընթացքում երբէք չէ փոխել իւր տարօրինակ կեանքի անշարժութեան պատկերը, մազաչափ անգամ հետևողութիւն չէ ունեցել դէպի յառաջադիմութիւն, այլ որպէս կենդանի արձան

1) Հնախօսութիւն Բնիմեանի. երես. 462.

2) Թոմա Մեծոփեցի.

աչք է դարձրել իւր շրջապատի վերայ, շատ բան է տեսել, և ամէն ինչ արհամարհել և ոչնչութեան մատնել. լուռ և անշարժ կանգնած մնացել է, խաւարամտութեան մի և նոյն կէտի վերայ. կեանքը, երկնային դրախտը, հոգեկան բոլոր ուրախութիւններն ու փրկութիւնը այս աշխարհում համարելով, չէ մտածել վերջին դատաստանի մասին. «մարդ, ինչպէս որ այսօր կայ, նոյնը և պիտի մնայ առանց փոփոխութեան» ահա նրա իղէալը:

Եզիդիների ժամանակակից ոչ մի ազգ, ոչ մի ժողովուրդ չէ ունեցել կեանքի այն աստիճան անշարժութիւնն ու անտարբերութիւնը, որին ինքը Եզիդին է դատապարտուել: Արդեօք, ի՞նչ արտաքին և ներքին հանգամանքներ կարող էին ազդել այդ աստիճանի դժուր կերպով որ և է ժողովրդի հոգեւոյ և մտքի վերայ, մագնիսացնել նրան, թմրեցնել և կաշկանդել նրա կամքն ու զգացմունքները: Այդ հարցերի պատասխաններն իրենց բացատրութեամբ պէտք է փնտրել նոյն իսկ ժողովրդի կեանքի, բնաւորութեան, կենցաղավարական և տնտեսական պայմանների մէջ և, որ առաւելն է, կրօնական այն ամուր կապերի մէջ, որոնցից դուրս Եզիդը ոչինչ չէ ճանաչում:

Այդ ծանր հանգամանքների տակ Եզիդին չէ մոռացել անխախտ պահպանել իւր նախնի հնաւանդ սովորութիւնը մինչև ցայսօր:

Եզիդիները թէպէտ Հայկազն են ¹⁾, բայց Աբեորդիք կոչուելու պատճառով օտար ժողովուրդ են համարում, քրդական ցեղերի համանման կազմակերպութիւնն և մասնաւոր սովորութիւնները պահպանելու համար:

II.

Ինչպէս քրդական միւս ցեղերը, նոյնպէս և Հասընցի աշխրաթը իւր առանձին ցեղապետն ունենալով հանդերձ, ունի և իւր առանձին կազմակերպուած այրուծին, որոնք հարկաւոր միջոցներում միշտ կազմ և պատրաստ են, առանձին վարժութիւններ կատարել տօնական հանդէսներում, յառաջ գնալ, դիմաւորել երկրի իշխանին, նոյն իսկ պատերազմներում մասնակցել ցեղապետի հովանաւորութեան ներքոյ:

Այդպիսի ժամանակներում ցեղապետը հազնում է կարճ լօգիկը, որը հասնում է մինչև գօտկատեղը. լօգիկի ձախ կողմը խրուած է գունաւոր կտորների մէջ կեռ և նկարներով զարդա-

1) Հնախօսութիւն Ինժիմ. գիրք ա. եր. 570.

բուժած արժաթեայ դաշոյնը, նրանից փոքր ինչ վերև ջանվարդար կոչուած սուրբ, որը ամենալաւ տեսակն է համարուած և ժառանգարար որպէս սուրբ աւանդ, պահպանուած է որդէցորդի մէկը միւսին յանձնելով: Լօղիկի վերայից ձգուած է ամենանուրբ սպիտակ կտորից ձեռագործուած ծիրանին, որի մէջտեղն յաղթական Ս. Սարգիսն է կանգնած ձիու վերայ, աջ ձեռքին տէգը բռնած, խորտակուած է սպիտակ նժոյգի ոտների տակ ամենի վիշապին: Ծիրանիի ուսերի վերայ ոսկեթէլ բանուածներ կան արևի և աստղերի նմանութեամբ, որոնք եղիզիների համոզմամբ կռապաշտական դարերի կրօնական նշանակութիւնն ունին, անվնաս պահպանելու թշնամի և մարտնչող ձեռքերից: Իսկ կարմիր կօշիկները, սրանք կարծես թէ յիշեցնում են հայոց հին իշխանական տան զգեստները, որ միայն թագաւորի երկրորդին էր շնորհուած, մի ոտին կարմիր կօշիկ հագնելու փառքը: Նժոյգ երկվարի հպարտ կուրծքը ծածկուած է զանազան ոսկեղէն և արծաթեայ զարդերով, շարուած մետաքսեայ ժապաւէնների վերայ, իսկ թամբը, մերկնոսեան ոչխարի բրդից պատրաստուած, ծածկուած է հաստ գունաւոր կտորով, որը հասնում է մինչև զաւակը ձաւկերպուած ծաղիկների և զանազան լուսաւոր մարմինների նկարներով: Թամբի աջ և ձախ կողմերից կախուած են լինում մի մի զոյգ հնադարեան ձևով պատրաստուած լայնաբերան տորճանակներ, որոնց վերայ քանդակուած են նուրբ ճաշակով զանազան անձնաւորութիւնների, որսորդական կենդանիների և ուրիշ առարկաների նմանողութեամբ պատկերներ, որոնցից իւրաքանչիւրը իւր առանձին նշանակութիւնն ունի:

Ձէնքը եղիղի քրդերի մէջ որպէս աւանդ պիտի պահպանուի սերունդէ սերունդ, զէնքը իւր վսեմ և ազդող նշանակութիւնն ունի ասան ընտանիքի մօտ. նա պիտի կախուած լինի պատից կամ վրանի սիւնից: Այս զէնքերովն է քուրդ մայրը պարճանքով յիշում օտարի մօտ իւր ամուսնոյ և նրա ցեղի անցեալ քաջագործութիւնները, նրա դիւցազնական խրոխտ երգերի տպաւորութիւնների տակ ննջումէ մանուկը, վրանի սիւններից կապուած ճօճի մէջ. այդ զէնքերն են յաջող միջոցները, որոնցով քրդուհին իւր զաւակին դաստիարակում է, նրա մէջ զարթեցնում է ձգտումն դէպի պատերազմ, սէր դէպի իւր պապերի յաղթական գործերը. կաթի հետ ընտելացնում է մանկան գոյութիւն պահպանող պայմանների հետ, որոնք անհրաժեշտ են իւրաքանչիւր անհատի համար:

III.

Եզիդիի ցեղապետը իւր վսեմ և փառաւոր դրութեան մէջ, վայելում է իւր ընդհանուր հպատակների քաղցր համակրութիւնը. նրա օջաղը (տուն) սուրբ է ամէն մի եզիդի անհատի համար, նրա օջաղը դիմող ոճրագործը քաւում է իւր մեղքերը, իսկ մահապարտը թեթեանում է դատապարտութիւնից: Իւրաքանչիւր ցեղապետ իւր սեպհական տուրքը կամ տասնորդն ունի, առանց ցեղապետի խորհրդի չի վճռուի ոչ մի հասարակական ներքին և արտաքին խնդիր. իսկ ցեղապետը առանց իւր կրօնաւորների և ծերերի մասնակցութեան և խորհրդի, չի ենթարկի որևէ խնդիր իւր կամայականութեան, լինի նա մարդասպանութեան կամ ժողովրդական կարիքների վերաբերեալ գործ: Իսկ սրա հակառակ մահմեդական թրքահպատակ քուրդ աշիրաթները իրենց ցեղապետական իրաւունքները բոլորովին այլ կերպով են գործադրում: Նրանք պարտաճանաճ չեն, նրանք մեղանշում են պարտուց և իրաւանց օրինական գործադրութեանց մէջ. նրանք խոտորում են կատարել որ և է մի գործ՝ առանց զեղծման և համապատասխան իրենց կոչման և իշխանական մեծութեան: Իւրաքանչիւր ցեղապետ իւր իշխանութեան տակ ունի ամբողջ զաւառներ և զաւառակներ, սրանց հետ միասին և նրանց տուրքերն ու հարկերը ժողովելու իրաւունքը: Այդ իրաւունքները ձեռք էին բերում կառավարութիւնից կաշառքով: Իւրաքանչիւր զաւառում աղզարնակութեան մեծամասնութիւն կազմող տարրը հայն էր և ուրիշ քրիստոնեայ ժողովուրդ, որոնք պատրաստ էին ամէն կերպ զոհողութիւն անել, անսահման հաւատարմութեամբ ծառայութիւն մատուցանել քուրդ բէգերին: Այդ կերպ ձեռք բերած իշխանութիւնը քուրդ ցեղապետների ունենում էր իւր դժոխային հետեւանքները, ճնշում, աւարառութիւն, կեղեքումն թշուառ ժողովրդի, մինչև անգամ յանդուգն արշաւանքներ կառավարութեան գէմ, և այդ հանգամանքներում արդարութիւնը դարձեալ հանգչում էր քուրդ ցեղապետների կողմը, շնորհիւ թուրք պետութեան թուլութեան և ստոր միտումների:

IV

Կրօնը՝ ինչպէս իւրաքանչիւր աղդի, նոյնպէս և եզիդի ժողովրդի հասարակական կեանքի վերայ ունեցել է իւր աղդու և զօրեղ ներգործութիւնը, յառաջացնելով այդ տարրի մէջ անպայման հնազանդութիւն և մտքի անշարժութիւն: Եթէ եզիդիներին

ժամանակակից ազգերն ու ժողովուրդը իրանց նախնիքներից մնացած մտաւոր աղքատութիւնն, բարոյական կեանքի սպառնացող դժբախտութիւններն աշխատել են ոչնչացնել, հեռացնել իսպառ իրենց գոյութեան սահմանից, Եզիդին ընդհակառակը՝ ոչ մի արտաքին և ներքին փոփոխութիւն չանկող ճանդերձ աւելի ամուր կապերով է կապուած իւր անցեալի հետ։ Ոչ մի նեղութիւն, հալածանք թշուառութիւն, նոյն իսկ բարոյական ոչ մի տանջանք չեն խախտել նրան իւր կրօնական սկզբունքից և հաստատ համոզմունքից։ Անցեալի մասին քննողութիւնը մոլորութիւն է համարուում, իսկ փոքր ինչ խոտորւողը օրինական ճանապարհից, հերձուածող. ահաւասիկ Եզիդի դաւանանքը։

Ինչպէս ասացինք, Եզիդիները կոչոււմ են արեապաշտ, և որպէս նախնի արեապաշտների մնացորդներ, բնակութիւն էին հաստատել սկզբից Միջագետքում, ինչպէս յիշատակուած է հինգերորդ և մետասաներորդ դարում Ս. Մեսրովբի ժամանակ Գրիգոր Մագիստրոսի Թոնդրակեցիների մասին Ասորոց կաթողիկոսին գրուած թղթի մէջ։ «Եւ այլ ոմանք ի Զրադաշտ մոզէ՝ մոգք պարսկականք, և այժմ ի նոցունց դեղեալ Արեգակնապաշտք, զոր Արեւորդեան անուանեն և ահա են յայդմ դաւառի (ի Միջագետս) բազումք և ինքեանք քրիստոնեայք զինքեանս յայտնապէս կոչեն։¹⁾» Իւրաքանչիւր Եզիդի առաւօտեան արեածագին կանգնում է դէպի արեւելք, աջ ձեռքի բռնք մատը ուղիղ շրթունքներին մօտեցրած երեք անգամ երկրպագում է արեւին իւր աղօթքը կատարած համարելով։

Նախնի արեապաշտութեան ժամանակ արեւին դանազան անուններ էին տալիս դանազան ազգերի մէջ.²⁾ Բահադ, Միհր, Բագոս, Վսերիս, Ապողոն, Քամոս, Սատուրնոս ևլն ևլն. իսկ այժմ Եզիդիները կոչում են Շէմս։ Արեւին երկրպագութիւն տալն իսպառ ժխտելով իրանցից, հետեւալ այլալուծած և շինծու բացատրութիւնն են տալիս, գաղտնիքը իրենց մէջ պահելու համար։ «Արեւը մեզ յիշեցնում է այն աստղը, որ առաջնորդեց երեք իմաստուն մոգերին արեւելքից դէպի Յիսուսի ծննդեան տեղը. Յիսուս մանուկը, ինչպէս արեւի լոյսը, շողը անտեսանելի է, նա, Աստուած է, նրա Աստուածութիւնը մէկ է, հետեւապէս ինչպէս արեւ արեւելքից լուսաւորում է ամբողջ աշխարհը, այնպէս էլ մանուկ Աստուածը արեւի լուսոյ նման պէտք է լուսաւորէ և կենդանութիւն տայ բոլոր աշխարհին։ Արեւելքումն են գտնուում այն սուրբ և իմաստուն մոգերը, որոնք գուշակել են Յիսուսի

1) Հնախօս՝ Ինճիմ. Կիրք Բ. երես, 461.

2) Հնախօս՝ Ինճիմ. Կիրք Բ. երես, 438.

ծննդեան և տատղի երեւալու ժամանակը, մենք նրանց մոռանալ չենք կարող, նրանք սուրբ և հրաշագործ մարգարէներ են եղել ամբողջ աշխարհում, իրենց տուած խրատներով ու օրէնքներով»։

Մոզական ուսումնաւելի ծաղկած դրութեան մէջ էր գտնուում հին ժամանակ Միջագետքում և նրա սահմաններում մինչև Քրիստոսի ծննդեան իսկ օրերը։¹⁾ Այժմ Եղիղին հնագրեան մոզական կախարդութիւնների ամենայնոքին նշխարներն անգամ պահպանում է անթերի և ճիշտ հետեւողութեամբ, որոնք մեզ ասիպում են կարծել, որ Եղիղիները յիշուած էին հին մոզական կրօնի սկզբունքների վերայ, որը յետոյ փոխուեց արեւապաշտական մոլորութեան։

Ներսէս Շնորհալին երկոտասաներորդ դարում գրում է թողութ Միջագետքի Սամոստոս քաղաք, «յազագս Արեւորդեացն դարձի»²⁾ յիշատակելով նրանց պաշտամունքների համար հետեւեալը.

«Այդ ծառ՝ որ բարդի անուանի, ի կռապաշտութեան ժամանակ ի պաշտօն տուալ էր նոցա, յորս և գեր մտանէին և ի մարդկանէ երկրպագութիւն (աննէին) ընդունէին»։ Եղիղիները այդ վկայութիւնը կեղծելով, ուրիշ կերպ բացատրութիւն են տալիս։ «Բարդի ծառը պէտք է յարգել և սուրբ պաշտօն մատուցանել, որովհետեւ Քրիստոսի խաչադիպտը այդ ծառից էր պատրաստուած»։ Իսկապէս Եղիղիները ոչ թէ բարդի ծառին են տալիս այդ պատիւը, այլ ուռնիիին, որը այժմ ևս նրանցից յարգում է, սուրբ է համարւում և որի կեղեկ անգամ մաքրելը ջանցանք է և մեղք Եղիղի համար։

Շնորհալին նոյն Սամոստացիներին գրած թղթի մէջ յիշում է, որ չպէտք է լօռուելին³⁾ և Սատանային պաշտօն մատուցանել, իսկ ընդհակառակը օձը պաշտելի է, նրան սպանել չէ կարելի, ծանր մեղք է. այս ևս իւր պատճառն՝ ունի. Եղիղիները համոզուած են, որ օձը Աստուծոյ անմահ հրեշտակն է եղել. օձի կերպարանքով նա խաբել է նախամայր Եւային. նրա դրութիւնը ժամանակաւոր է, այդ միայն Աստուծոյն է յայտնի։ Սրան նման օրինակ բացատրութիւններ տալիս են և Սատանայի⁴⁾ վերաբերութեամբ։ Սատանային անուն տալը մեղք է, նրան համարում են Աստուծոյ իններորդ դասի հրեշտակ, որին Աստուած պատժել է

1) Հնախօս՝ Ինսիճ. գիրք Գ. երես, 33.

2) Շնորհ. ընդհ. երես. 225.

3) Ոձի օնմեղ տեսակն է.

4) Սատանային Եղիղիները կանչում են եւ քեռի, ուղղակի անուն տալը մեղք համարելով.

իւր յանցանքի համար, փոխանակ ուղղակի Սատանայ կոչելու, որ աւելի նախատական է և ստորադմամբ է գործածուում, անուանում են «մալաքէ թաւուզ» այսինքն հրեշտակ բարձրելոյն Աստուծոյ:

Այդ աներևոյթ ոգին եզիդիների համոզմամբ պաշտպան է երկրի վերայ այն մահկանացուներին, որոնք իրենց դիրքից ընկած են, բայց մի օր նա կրկին պիտի բարձրանայ և իւր նախկին արժանաւոր տեղը բռնէ Ամենակալի աթոռի առաջ:

V

Սատանային եզիդիները չեն երկրպագում, բայց որպէս ճշմարտութիւն, անպայման կերպով համոզուած են, որ մի օր կրկին նա փւր նախկին փրաւունքը կստանայ, Աստուծոյ սիրելին կ'ըստնայ և այն ժամանակ կ'օգնէ ամբողջ եզիդի ցեղին:

Եզիդիները կրօնական կեանքի մէջ Արևից յետոյ, մեծ յարգանք է վայելում Երկնքի թագուհին, լուսինը. բայց ոչ որպէս կին, այլ փնչպէս տղամարդ հերոս, լմբիշ, որ աներկիւղ գիշերաւորին ժամերին ճանապարհորդում է և լոյս է տալիս ամբողջ երկրագնդին. լուսինը ասորը է և յարգւում է եզիդիներից որպէս քաջութեան նախապատկեր: Առաջին անգամ լուսնի երևման ժամանակ եզիդին նայում է դէպի նա ակնամոռութեամբ և, որչափ կարելի է, պշխատում է ուրախ դէմք ցոյց տալ, մի գուցէ փառ վերայ շարժէ յրանի բարկութիւնը, որի հետեանքը լինում է մահուան դատապարտել մահուկներին ծաղիկ և կարմրուկ հիւանդութիւնով: Եզիդին լուսնի վերայ է կատարում իւր տարեկան բոլոր հաշիւները, նրանով է որոշում յաջող և վատ եղանակները, չորային և անձրևային ամիսները ամբողջ տարուայ:

Ողորտոս ամսոյ վերջերին ևղանակը ձիոքը ինչ սկսում է գովանալ, սուսուտեան արշալոյսից առաջ, արևելեան կողմից՝ բարձրանում է բոցավառ Շնիկ կոչուած աստղը, նա կարծես անդադար շարժւում է իւր տեղից, երբեմն փայլում է որպէս մի հրեղէն գունդ և լուսաւորում մթնոթեան մէջ ծածկուած լեռներ ու ձորեր, կրկին նուազելով իւր սկզբնական ձէն է ընդունում:

Այդ աստղի երևման առաջին գիշերը, իւրաքանչիւր տուն պէտք է մի սպիտակ ոշխար մատաղ անէ ի պատիւ Շնիկ աստղի, այդ գիշեր ոչ մի ոշխար կամ տաւար չպէտք է դուրս մնայ, ապա թէ ոչ նրա անբուժելի հարուածից ամիջապէս կ'սատակի:

Շնիկի երևումն արդէն պարզ նշան է եղանակի փոփոխութեան, ցրտերի սկզբնաւորութեան, այդ ժամանակ եզիդի քուրդը շտապում է իւր հրաժեշտը տալ, թողնում է իւր ժամանակաւոր

դրախտանման վայրերը, սառն աղբիւրներն ու հովիտները և աստիճանաբար ցածրանալով դէպի դաշտ, գետնափոր տներում անցկացնում է իւր ձմեռային կեանքը:

Որչափ կրօնական սրբութիւնները իրենց բարձր և վսեմ կոչումն ունին Նզիրդի ազգաբնակութեան մէջ, այնչափ աւելի խորին լռութեամբ պահպանում են որպէս խորհրդաւոր գաղտնիք բոլոր սուրբ համարուած առարկաները:

Նզիրդիները չունին ժողովրդի համար առանձին առանձին աղօթատեղիներ, այլ դրանց փոխարէն ծառայում են Շէյխերի ¹⁾ օջախները, որոնց թիւը շատ քիչ է և ամենագլխաւորը համարւում է Շէմսի (արևի) օջախը. որ գտնւում է Միջագետքի Մուսուլ քաղաքում (Պատան) գլխաւոր կրօնապետի հովանաւորութեան տակ, ուր Նզիրդիները որոշեալ ժամանակներում յաճախում են որպէս ուխտատեղի:

Շէյխերը ենթարկւում են կրօնապետի իրաւասութեան, որից ընդունում են կրօնաւորութեան կոչումը օրհնութեան կոնդակով: Շէյխութիւնը, որպէս ցեղական ժառանգութիւն՝ շարունակւում է սերունդից սերունդ: Շէյխը ստանում է ժողովրդից իւր տարեկան հասոյթը, իսկ կրօնականին վերաբերեալ հրահանգներ տարածելու ժողովրդի մէջ, ստանում է կրօնապետից:

Մուսուլում կրօնապետը շրջապատուած է աւագ երէցներով, նա իւրաքանչիւր տարի իւր տասանորդն ստանում է ամէնուրեք գտնուած Նզիրդի անհատից, և իւրաքանչիւր ամառային քաղցր եղանակում ուղարկում է ժողովրդի մէջ քարոզի պաշտօնով իւր առաքեալները, որոնք կոչւում են Շէյխ, Ղավալ, Փիր և Ֆակ: Այդ կրօնաւորները իրենց հետ ունին վերցրած մի արծաթեայ աման աղաւնոյ ձևով շինուած, մի երկար մոմակալ, մի հատ մաղէ կծիկ, դայիրէ և մի քանի հատ մեծ ու փոքր պաճուճապատանք: Նրր ազատ լեռների վերայ սևին են տալիս հազարաւոր քրդական վրաններ, այդ գեղեցիկ եղանակին, Ղավալները շարունակում են իրենց այցելութիւնները ժողովրդին, իւրաքանչիւր վրան ազատ մտնում են և տան մեծն ու փոքրը անխտիր համբուրում են առաքեալների ձեռքը:

Կրօնաւորները այդ սուրբ առարկաները կանոնաւոր կերպով շարում են մի բարձր սեղանի վերայ և իրենք երգում են միասին արարերէն մի քանի հոգևոր երգեր և ածում են դայիրէի վերայ. այդ միջոցին տան բոլոր անդամները կարգով պարում են սուրբ առարկաների առաջ, որով և քաւում են իրենց մեղքերը: Կրօնական հանդէսը վերջանալուց յետոյ, մօտենում է տան տէրը համ-

1) Կրօնաւոր:

բուրում է և տալիս է իւր տասանորդը: Ամբողջ ամարային ամիսներում եզիդի առաքեալները սար ու ձոր ոտքի տակ տալով, այցելում են ժողովրդին, իսկ աշնան սկզբներին վերադառնում են Մուսուլ մեծ հարստութեամբ:

Եզիդի կրօնաւորը գիտէ մի քանի անգիր աղօթքներ Արաբերէն խօսքերով, որոնց իմաստը, նոյն իսկ բերանացի ասել և հասկանալը՝ հասարակ ժողովրդին արգելուած է, պատճառաբանելով, թէ նրանք վերապահուած են միմիայն կրօնաւորների համար: Այդ խորամանկութիւնը շէյխերը գործադրում են գլխաւորապէս տգէտ ժողովրդի մէջ իրենց հեղինակութիւնը բարձր պահելու համար: Շէյխից փոքր կրօնաւորը կոչւում է Փիւր, որը ամէն կերպով ենթարկւում է Շէյխի իրաւունքներին և հաւատարապէս յարգանք է վայելում ժողովրդից: Եզիդի հոգեւորականը արգելում է ժողովրդին կարդալ և գրել որեւիցէ ազգութեան լեզուով. մտաւոր կրթութիւնը և լուսաւորութիւնը հակառակ է Աստուծոյ և իրենց օրէնքներին. ա) որպէսզի իրենց Շէյխերի դադանիքն ու կեղծութիւնը վարագուրուած մնայ. բ) որովհետեւ Յիսուսին խաչել տուողները հրէից քահանայապետներն ու կարգացողներն են եղել: Եզիդի ժողովրդի գլխաւոր երդումը կատարվում է Արևով (Շէմս), բաղդով և ցեղապետի օջախով:

Թլլատութեան օրէնքը կատարւում է եզիդիների մէջ այնպէս, ինչպէս մահմեդականներին յատուկ է. նորածին մանուկը ութ օրից յետոյ պիտի թլլատուի անպատճառ. հակառակ դէպքում, եթէ որոշեալ ժամանակն անցնի, այնուհետեւ նորածինը թլլատուելու իրաւունք չունի, նա արհամարհուած է հասարակութեան մէջ, նրա ձեռքով մորթուած կենդանւոյ միսը անսուրբ է և հարամ: Հաւատոյ անխախտ պահպանութիւնը այն աստիճան զօրեղ է ազդել եզիդի քրդի հոգւոյ վերայ, որ մինչև անգամ տգէտ ժողովուրդը իւր զգացմունքներն արտայայտելով դէպի հաւատը, կըրկնում է հետեւեալ խօսքերը.

Իման ո կայ ճավայ, Հաւատը՝ աչքի լոյս է,
Ոկի մու քաղանավայ Եթէ նրա մէջ մի մազ անգամ ընկնի,
Խօյի ժը դաս բէկավայ: Տիրոջ ձեռքն է մեղաւոր:

Եզիդի տարըը կրօնական աշխարհից դուրս ուրիշ ոչինչ չէ կամենում հասկանալ, նրա հասարակական կեանքը անտարբեր է գտնուել դէպի մարդկային գոյութեան պարտուց և իրաւանց խնդիրները. կրօնի այդ սահմանափակ համոզումը յառաջացրել է նրա մէջ մտքերի անփոփոխ դրութիւն:

Եթէ եզիդին այսօր իւր բնաւորութեամբ կեանքի բոլոր հանգամանքներում զանազանութեան մէջ է գտնուում մահմեդական քրդերից, եթէ նա իւր համոզմունքների ծայրայեղ գործադրու-

թիւնները մէջ հողեկան մեծ հաճոյք է զգում, այդ կրօնի ազդեցութիւնն է, որ նպաստում է նրա կրքերի հանգստութեանը, որոնք մարդու շուտով են գրաւում շրջապատող անձնաւորութիւնների հետ յարաբերական դրութեան մէջ մտնելու:

Եզրիդին պաս չի պահում, նա ծովապահութիւնը և պասը համարում է փարիսեցիութիւն: Ամբողջ տարուայ ընթացքում Եզրիդին միայն երեք օր է ծով և պաս պահում, այն ևս ի պատիւ Սուրբ Սարգիս զօրավարի, որպէս արիութեան հերոսի, իսկ չորրորդ օրը հանդէս են կատարում, ձիարշաւը և մականախաղը առաջին տեղն են բռնում, իւրաքանչիւրը աշխատում է իւր ամբողջ ոյժով փայլել, խլել յաղթական դրօշակը, աւելի պարծանքով յիշելու Ս. Սարգսի քաջագործ անունը:

Մահմեդական քրդերը մի և նոյն պասը պահում են երեսուն օր, այդ պատճառով Եզրիդիների և Մուսուլման քրդերի մէջ անվերջ կռիւներ ու վէճեր են յառաջանում. երկու տարրից մէկը—Մահմեդականը, պնդում է թէ պէտք է պաս պահել ար քոժ (երեսուն օր) իսկ Եզրիդին հաստատում է, պէտք է պահել սէ (երեք) քոժ: Հաւանական է կարծել, որ դրանց մէջ տեղի ունեցող հակառակութիւնը «Սի և Սէ» նմանաձիւն բառերից է յառաջացել (Նարոնյակիյի) Սիւրիլ քինյ. Զաֆաեանց:

Հ Ե Ր Ո Վ Դ Ի Ա Դ Ա *)

(Գուստաւ Փլօրների)

III.

Արքունիքը լի էր խնջոյքի համար եկած հիւրերով:

Խնջոյքի սեղանը բացուած էր երեք սրահներում. նոցա միջից շարքերով գնում էին փշածառի փայտից սիւներ բրոնզեայ խոյակներով և քանդակներով զարդարուած. երկու իրար կտրող միջանցքների կամարները յենում էին նրանց վերայ, իսկ երբորդ՝ ամբողջապէս ոսկեզօծ, ձկնում էր գէպի խորքը և յենում դիմացի ահագին կամարի վերայ, որ կախուած էր հանդիպակաց ծայրում:

Զահերը, որոնք դրուած էին սեղանների երկարութեամբ, պլպլում էին ինչպէս խորոյկներ, նկարէն կճեայ ամանների, պղնձեայ սկուտղների, քառակուսի ձիւնաշերտերի և խաղողի ողկոյցների մէջ. նոցա կարմիր արտացոլքը ցրուելով, հանգչում էր բարձրում և կրակները փայլում էին ինչպէս գիշեր ժամանակ

*) Տես սոյն Թիւ օգոստոս-սեպտեմբեր համարը: